

05.05.2021 წელი

საქართველოს გარემოს დაცვისა და  
სოფლის მეურნეობის სამინისტროს  
გარემოზე ზემოქმედების ნებართვების  
დეპარტამენტს  
ქ. თბილისი, მარშალ გელოვანის №6

ონის მუნიციპალიტეტის სოფელ უწერაში, ქუთაისი-ალპანა-მამისონის ავტომაგისტრალის 120-ე კილომეტრზე არსებულ არასასოფლო-სამეურნეო დანიშნულების მიწის ფართობზე შპს „ბ.პ. ტრანსი“-ს კუთვნილებაშია (არენდული უფლებებით) 1000 მ<sup>2</sup> არასოსფლო-სამეურნეო დანიშნულების მიწის ფართობი. (საკ. კოდი 88.09.22.107).

მიმდინარე პერიოდიისათვის მოცემულ ტერიტორიაზე, (GPS კოორდინატები: X-378828,51; Y-4719965,41) კომპანიას დაგეგმილი აქვს ქვა-ღორღის გადამამუშავებელი საწარმოს მონტაჟი და ექსპლოატაციაში გაშვება.

საწარმოს მიერ დაგეგმილი საქმიანობის განხორციელებისათვის გამოყოფილი ტერიტორია წარმოადგენს საქართველოს ეკონომიკისა და მდგრადი განვითარების სამინისტროს კუთვნილებას და არენდული უფლებებით გადაეცა ზემოთხსენებულ საზოგადოებას, არსებული ორმხვრივი ხელშეკრულების საფუძველზე.

მოცემულ ტერიტორიაზე განთავსდება 60მ<sup>3</sup>/საათში წარმადობის ქვა-ღორღის გადამამუშავებელი დანადგარი, რომელიც აღჭურვილი იქნება შემდეგი აგრეგატებითა და სამრეწველო კვანძებით:

- ინერტული მასალის პირველადი და მეორადი მტვრევის (სველი მასალა) აგრეგატი;
- ინერტული მასალის მესამეული მტვრევის (სველი მასალა) აგრეგატი;



საწარმოს ტერიტორიაზე ბალასტის შემოტანა მოხდება ონის მუნიციპალიტეტის სოფელ ნაკიეთის მიმდებარე ტერიტორიაზე, მდინარე რიონზე არსებული სასარგებლო წიაღისეულის (ქვიშა-ხრეშის) კარიერიდან, თანახმად არსებული ლიცენზიისა. ბალასტის შემოტანა მოხდება ავტომტვირთავებით და განთავსდება საწარმოს ტერიტორიაზე ღია ცის ქვეშ. საწარმოს ტერიტორიაზე ღია ცის ქვეშ ასევე განთავსდება მზა პროდუქცია ღორღი და ქვიშა.

საწარმოს ექსპლოატაციაში გაშვების დროს ატმოსფერულ ჰაერში გამოფრქვეულ მავნე ნივთიერებათა ძირითადი სახეობა იქნება მტვერი, რომელიც გამოიყოფა ქვა-ღორღის გადამამუშავების დანადგარზე პირველადი და მეორეული მტვრევის პროცესში და ქვა-ღორღის მესამეული მტვრევის პროცესში.

გარდა ზემოთხსენებულისა, მტვრის ატმოსფეროში გაფანტვა მოხდება საწარმოს

ტერიტორიაზე არსებული ინერტული მასალების ღია ცის ქვეშ არსებული საწყობებიდან.

არსებული წარმადობიდან გამომდინარე, საწარმოს, მისი მაქსიმალური დატვირთვის პირობებში დაგეგმილი აქვს საათში გადაამუშაოს 60 მ<sup>3</sup> ქვა-ლორდი, რაც წლიურად 100800 მ<sup>3</sup> შეადგენს. ქვა-ლორდის გადაამუშავება მოხდება ე.წ. სველი მეთოდით. საწარმო იმუშავებს დღეში 8 საათიანი სამუშაო რეჟიმით, 210 სამუშაო დღით წელიწადში. გაანგარიშებულია ატმოსფეროში მავნე ნივთიერებათა გაფრქვევის (მტვერი) ინტენსივობა და დადგენილია, რომ დაგეგმილი საწარმოს სიმძლავრეების თანახმად მათი წლიური რაოდენობა 0,63 გრ/წმ-ს ტოლი იქნება.

საწარმოსათვის ტექნოლოგიური მიზნით წყლით მომარაგება დაგეგმილია მოხდეს საწარმოს ტერიტორიის მიმდებარედ გამავალ მდინარე რიონიდან, რისთვისაც მომზადებულია და წარედგინება საქართველოს გარემოს დაცვისა და სოფლის მეურნეობის სამინისტროს შესაბამის სამსახურს ზედაპირული წყლის ობიექტიდან წყლის ამოღების ტექნიკური რეგლამენტი, თანახმად საქართველოს გარემოს დაცვისა და ბუნებრივი რესურსების მინისტრის 2008 წლის 13 ნოემბრის №745 ბრძანებისა.

რაც შეეხება საწარმოში ტექნოლოგიური დანიშნულებით გამოყენებულ წყლებს, რომლებიც პირობითად დაბინძურებული იქნება შეწონილი ნაწილაკებით (მტვერი), საქართველოს მთავრობის 2013 წლის 31 დეკემბრის №425 დადგენილების „საქართველოს ზედაპირული წყლების დაბინძურებისაგან დაცვის ტექნიკური რეგლამენტი“-ს მოთხოვნების შესრულებისა და ჩაშვებული წყლების გაწმენდის ეფექტურობის გაზრდის მიზნით საპროექტო ტერიტორიაზე დაგეგმილია 3-საფეხურიანი გამწმენდ-სალექარის მოწყობა, სალექარში ჩაშვებული წყლის ძირითადი ნაწილი ბრუნვითი წყალმომარაგების მიზნით, ტუმბოების მეშვეობით მიეწოდება სამსხვრეველას შესაბამის აგრეგატებს და კვანძებს ინერტული მასალების გარეცხვისა და დანამკის მიზნით, ხოლო მცირე ნაწილი სალექარის გავლით ადგილის რელიეფში.

ფეკალური მასების განთავსების მიზნით საწარმოს ტერიტორიაზე მოეწყობა დამაგროვებელი ორმო (შამბო) საიდანაც დაგროვილი მასა ასენიზაციის ავტოტრანსპორტით რეგულარულად გაიტანება ტერიტორიიდან.

საწარმოს განთავსება დაგეგმილია ქუთაისი-ალპანა-მამისონის ავტომაგისტრალის 120-ე კილომეტრზე არსებულ არასასოფლო-სამეურნეო დანიშნულების მიწის ფართობზე, ავტომაგისტრალის გასწვრივ, მაგისტრალიდან 22 მეტრის, ხოლო მდინარე რიონის კალაპოტიდან 55 მეტრის დაშორებით. საწარმოს განთავსების ტერიტორია არ განეკუთვნება კულტურული მემკვიდრეობის, ჭარბტენიან და დაცულ ტერიტორიებს, ასევე მიმდებარე ტერიტორიაზე არ არსებობს წითელი ნუსხის სახეობები.

გამომდინარე იქედან, რომ სამსხვრეველა დანადგარი წარმოადგენს ე.წ. მობილური ტიპის აგრეგატს მისი ექსპლუატაციის პირობებში გეოლოგიური საშიშროების რისკები არ არსებობს, რაც უპირველეს ყოვლისა გამოწვეულია მშენებლობის დაბალი მასშტაბების

გამო. ამასთან ერთად პროექტის ადგილმდებარეობიდან და მასშტაბებიდან გამომდინარე ტრანსსასახლვრო ზემოქმედება მოსალოდნელი არ არის.

საწარმოო დანადგარების ფუნქციონირებისას მოსალოდნელია ხმაურის წარმოქმნა, თუმცა გამომდინარე იქედან, რომ საწარმო განთავსებულია არადასახლებულ ტერიტორიაზე, წარმოდგენილი გაანგარიშებით ხმაურით გამოწვეული ზემოქმედება არ იქნება მნიშვნელოვანი მოსახლეობისათვის.

საწარმოს ფუნქციონირებით შედეგად ადგილი ექნება როგორც არასახიფათო, ასევე სახიფათო ნარჩენების წარმოქმნას. საწარმოს ფუნქციონირების დროს საწარმოში წარმოქმნილი სახიფათო ნარჩენების სახეობები იქნება: კბილანური გადაცემის კოლოფის ზეთები და ზეთოვანი ლუბრიკანტები, სხვა ჰიდრაულიკური ზეთები, (ჯამში 60-70 კგ/წ) ფლურესცენციული მილები და სხვა ვერცხლის წყლის შემცველი ნარჩენები (ჯამში 10-15 კგ/წ).

სახიფათო ნარჩენების მაქსიმალურად უსაფრთხო მართვისათვის საწარმოს ადმინისტრაციას დაგეგმილი აქვს უზრუნველყოს მათი შეგროვება და საწარმოს ტერიტორიაზე დროებით შენახვა, შემდგომ მათი ტერიტორიიდან გატანა და შესაბამის ლიცენზირებულ სამსახურზე გადაცემა არსებული ხელშეკრულების საფუძველზე. ამ მიზნით, საწარმოს ტერიტორიაზე დაგროვილი ზეთების და ზეთოვანი ლუბრიკანტების შეგროვება მოხდება ობიექტის ტერიტორიაზე არსებულ სპეციალურ კასრებში და შეინახება ობიექტის ტერიტორიაზე სპეციალურად ამისათვის გამოყოფილ სათავსოში. რაც შეეხება ფლურესცენციული მილებს და სხვა ვერცხლის წყლის შემცველი ნარჩენებს, მათი შეგროვება მოხდება სპეციალურ ყუთებში და შეინახება სათანადოდ გამოყოფილ სათავსოში. სახიფათო ნარჩენების ტერიტორიიდან გატანას და მათ გადაცემას ისეთ საწარმოზე ან ორგანიზაციაზე, რომელიც უფლებამოსილია და გააჩნია სათანადო ნებართვა, განახორციელებს მხოლოდ მას შემდეგ, როცა გაფორმდება სათანადო ხელშეკრულება არსებული ნორმების შესაბამისად.

საწარმოში დაგროვილი არასახიფათო ნარჩენების, კერძოდ ქაღალდი და მუყაო, პლასტმასი და რეზინა. მათი ტერიტორიიდან გატანა მოხდება სანდასუფთავების სამსახურის მიერ არსებული ხელშეკრულების თანახმად.

საწარმოში ტექნოლოგიური პროცესის წარმართვა მოხდება ტექნიკური უსაფრთხოების ნორმებისა და სანიტარული ნორმების სრული დაცვით, რაც უპირველეს ყოვლისა განპირობებულია როგორც მოსამსახურე პერსონალის, ასევე საწარმოს ახლომდებარე დასახლებული პუნქტის ტერიტორიაზე მაცხოვრებელი მოსახლეობის უსაფრთხოების უზრუნველყოფისათვის.

საწარმოს სპეციბიკის, მასშტაბის და ადგილმდებარეობიდან გამომდინარე რაიმე ტრანსსასახლვრო ზემოქმედება მოსალოდნელი არ არის.

სახანძრო უსაფრთხოების მიზნით, საწარმო აღიჭურვება სახანძრო ინვენტარით, ცეცხლმაქრებით და სახანძრო დაფით, თანახმად „სახანძრო უსაფრთხოების წესებისა და პირობების შესახებ“, ტექნიკური რეგლამენტისა, რაც უზრუნველყოფს როგორც ხანძრის პრევენციას, ისე ადამიანების უსაფრთხოებას.


საქართველოს პრეზიდენტის 2020 წლის 1 მარტის დეკრეტის აღსრულების მიზნით, ქვეყანაში ახალი კორონავირუსის (COVID 19) გავრცელების თავიდან აცილებისა და პანდემიის პრევენციის განხორციელების მიზნით საწარმოს ექსპლოატაციის დროს ობიექტზე დასაქმებულ პერსონალს სამუშაოს დაწყების წინ გაუკონტროლდება ჯამრთელობის მდგომარეობა (ტემპერატურის გაზომვით ან გამოკითხვით) და მონაცემები შეტანილი იქნება სპეციალურ ჟურნალებში, სათანადო ზომების გატარების მიზნით. იმავედროულად, საწარმოში დასაქმებულები აღიჭურვებიან სათანადო სადეზინფექციო ინვენტარით, სხვადასხვა სახის სტიკერებით და განცხადებებით, დაკავშირებული კორონა ვირუსის მიმდინარეობაზე და მის პრევენციაზე.

მიწის სამუშაოების შესრულების პროცესში არქეოლოგიური ან კულტურული მემკვიდრეობის ძეგლის არსებობის ნიშნების ან მათი რაიმე სახით გამოვლინების შემთხვევაში, სამუშაოთა მწარმოებელი იღებს ვალდებულებას „კულტურულ მემკვიდრეობის შესახებ“ საქართველოს კანონის მე-10 მუხლის თანახმად შეწყვიტოს სამუშაოები და ამის შესახებ დაუყოვნებლივ აცნობოს შესაბამის სამსახურებს.

გამომდინარე ზემოთხსენებულიდან და საქართველოს კანონის „გარემოსდაცვითი შეფასების კოდექსი“-ს მე-7 მუხლის მოთხოვნების შესაბამისად, განსახილველად წარმოგიდგენთ ზემოთხსენებული საწარმოს საქმიანობის სკრინინგის განცხადებას არსებული კანონმდებლობის შესაბამისად.

პატივისცემით,

შპს „ბ.პ. ტრანსი“-ს დირექტორი



/ბიჭიკო პაიკიძე/

ტელ: 577252919